

АЛОҚА КАНАЛЛАРИНИНГ ИЖАРАСИ БЎЙИЧА  
15/1 – СОН ШАРТНОМА

Тошкент шаҳри

“ 05 ” 9 20 22 йил

“О‘ЗБЕКИСТОН ТЕЛЕКОММУНИКАТСИЯ ТАРМОQLARINI BOSHQARISH RESPUBLIKA MARKAZI” давлат унитар корхонаси (“О‘зТТВРМ” ДУК), номидан бундан кейин “Ижарага берувчи” деб аталувчи, Устави асосида иш юритувчи директор в.б. У.А. Шакиров шахсида, корхона Устави асосида иш юритувчи бир томондан ва “RWC” МЧЖ ХК, бундан кейин “Ижарачи” деб аталувчи, *Беш дера. в.б. Тагапалатов Ғ.М.* номидан *Ишора* асосида иш юритувчи, иккинчи томондан, биргаликда “Томонлар” деб юритилувчилар қуйидагилар тўғрисида мазкур Шартномани туздилар:

1. ШАРТНОМА МАВЗУСИ

1.1 “Ижарага берувчи” “Ижарачи”га алоқа корхоналар ўртасида ташкил қилинадиган, шартноманинг ажралмас қисми ҳисобланган яъни шартноманинг иловасига мувофиқ, бундан кейин “Ижарага олинган канал” деб аталувчи, алоқа каналларни (оқимларни) тўғри симлар билан ёки уларсиз, ижарага беради.

1.2 Шартномада ҳар томоннинг ўзаро муносабатлари Ўзбекистон Республикаси “Телекоммуникациялар тўғрисидаги”, “Истеъмолчиларнинг ҳуқуқини ҳимоя қилиш тўғрисидаги”, “Ижара тўғрисидаги”, “Хўжалик юритувчи субъектлар фаолиятининг шартномавий-ҳуқуқий базаси тўғрисидаги” қонуни, Ўзбекистон Республикасининг Фуқаролик ва Иқтисодий процессуал кодекслари, Солиқ кодекси, шунингдек, Ўзбекистон Республикаси Ахборот технологиялари ва коммуникацияларини ривожлантириш вазирлиги (ЎзРАТваҚРВ) меъёрий ҳужжатлари ва мазкур шартнома билан тартибга солинади.

2. ИЖАРАНИНГ ШАРТЛАРИ ВА ТАРТИБИ,  
ТОМОНЛАРНИНГ МАЖБУРИЯТЛАРИ ВА ҲУҚУҚЛАРИ

2.1 “Ижарага олинган канал” “Ижарачи”га бирламчи тармоқларнинг охириловчи мосламаларини тақдим этмаган ҳолда бириктирилган боғловчи линияларга ёки телекоммуникация каналларига уланади.

2.2 “Ижарага олинган канал” Ижарачининг буюртмасида кўрсатилган муддатдан бошлаб ишга туширилади ва ижарага олинган канал ҳисобланади.

2.3 “Ижарага берувчи” қуйидагиларга мажбур:

- “Ижарага олинган канал”ни техник имкониятларга таяниб ЎзРАТваҚРВ соҳага оид ҳужжатларида акс эттирилган амалдаги техник меъёрларга мувофиқ тақдим қилиши;

- Барча каналларнинг сифатли ишлашини таъминлаши, каналнинг ижарачи ёки тармоқ эгасига қарашли қисми бундан мустасно, бу алоҳида ижарачи ва тармоқ эгаси ўртасида тузилган шартномада кўрсатилади;

- “Ижарага олинган канал” бузилган тақдирда, техник имкониятларга таяниб, бошқа каналга алмаштириши.

- “Ижарага олинган канал”нинг фойдаланиш тартибини бузилиши бир неча бор такрорланган тақдирда, шунингдек тўлов “Ижарачи” томонидан ўз вақтида амалга оширилмаса, “Ижарага берувчи” оғохлантиришдан сўнг “Ижарага олинган канал”ни ўчириб қўйиш ҳуқуқига эга бўлади.

2.4 “Ижарачи” қуйидагиларга мажбур:

- “Ижарага олинган канал”дан ўз технологик эҳтиёжлари учун ёки юридик ва жисмоний шахсларга телекоммуникация хизматларини кўрсатиш учун фойдаланиш. Агар “Ижарачи”га телекоммуникация хизматларини кўрсатиш учун ижарага олинган каналдан фойдаланса, “Ижарачи”га тегишли фаолиятни амалга ошириш учун лицензияга эга бўлиши керак;

- Алоқани ташкил этиш учун “Ижарачи” алоқа каналини ташкил этиш муддатидан 15 (ўн беш) иш кунидан кеч бўлмаган вақтда алоқа каналининг йўналиши, тақдим этиш пункти, юкланиш тури, тўғри симларга эҳтиёжи, “Ижарага олинган канал” уланиши санаси, боғловчи



линияларнинг иккала томондаги рақамлари, ишлаш режими, бажарувчининг фамилияси ва контакт телефонлари кўрсатилган ёзма буюртмани тақдим этиши;

- “Ижарага олинган канал” уланган санадан бошлаб сутка давомида “Ижарага берувчи”га ёзма равишда (факс/электрон почтаси орқали) “Ижарага олинган канал” уланганлигини тасдиқлаши;

- “Ижарага олинган канал”ни буюртма берилган муддатдан “Ижарага берувчи”дан қабул қилиши ва “Ижарага олинган канал”нинг нархи бўйича тўловни амалга ошириши лозим. “Ижарага олинган канал”нинг ижарага қабул қилинган санаси бу канал уланганлик тўғрисидаги “Ижарачи”нинг ёзма тасдиқлов йўллаган санаси бўйича ҳисобланади. Агар уланган санадан бошлаб сутка давомида “Ижарачи” “Ижарага олинган канал” уланганлигини ёки уланмаганлигини тасдиқламаса, “Ижарага олинган канал” уланган санадан бошлаб ижарага қабул қилинган ҳисобланади ва кейинчалик канални уланган санаси тўғрисидаги даъво қабул қилинмайди. Агар “Ижарага берувчи” “Ижарачи”дан ёки бошқа манбадан, “Ижарачи” ижарага берилган канални қабул қилмаганлиги ҳақида расмий маълумот олса, “Ижарага берувчи” канални уланган санасидан 10 (ўн) кундан сўнг ижарага берилган канални ўчириш (расформировать) ҳуқуқини ўзида қолдиради ва бу ҳақда “Ижарачи”ни хабардор қилади;

- “Ижарачи”нинг буюртмасида кўрсатилган “Ижарага олинган канал”нинг иш режимига қатъиян риоя қилиши;

- 15 дақиқа ичида алоқа каналларнинг бузилганлиги тўғрисида “Ижарачи” билан ишлаётган алоқа корхонанинг техник ходимларига маълум қилиши. “Ижарага олинган канал”нинг тўхтаб қолган вақти сигнализация тизими ишга тушган даврдан то унинг тугашигача ҳамда “Ижарачи”нинг маълумоти бўйича қайд этилади. Алоқа канали бузилган ҳолатда, канални синовдан ўтказиш учун алоқа корхонасига топширилади. Агар канал “Ижарачи”га қайтариб берилгандан кейин соҳадаги меъёрий ҳужжатларга мувофиқ нормал ҳолатда бўлмаса ва 15 (ўн беш) дақиқа ичида алоқа корхонага қайта тузатиш учун қайтариб берилса, бу ҳолда техник сабабларга кўра тўхтаб қолган вақт канални бузилиш ҳисобига, яъни “Ижарага берувчи”нинг ҳисобига киритилади. Бу ҳолатда каналнинг тўхтаб қолган вақти канални тузатиш учун биринчи марта буюртма берилган дақиқадан ҳисобланади. Агар қайта текширишга берилгандан сўнг канал тузатилган бўлиб, техник нормаларга мувофиқ бўлса, у ҳолда тўхтаб қолган вақти биринчи марта текширувга топширилган дақиқадан “Ижарачи”нинг ҳисобига киради. Агар “Ижарачи” томонидан канални қабул қилиб олгандан 15 (ўн беш) дақиқа ўтиб кетгандан кейин тузатиш учун қайтариб берилса, у ҳолда тўхтаб қолган вақти канални қайта тузатиш учун қайтариб берилган дақиқадан бошлаб белгиланади;

**2.5 “Ижарачи” ижарага олинган каналдан фойдаланиш ҳуқуқини учинчи шахсга беришга ёки тегишли лицензиясиз юридик ва жисмоний шахсларга телекоммуникация хизматларини кўрсатиш учун ижарага олинган каналлардан фойдаланиш ҳуқуқига эга эмас. “Ижарачи” икки кун ичида “Ижарага берувчи”ни лицензиянинг амал қилишини тўхтатиб туриш, тугатиш, бекор қилиш ёки бекор қилиш тўғрисида ёзма равишда хабардор қилиши шарт.**

Лицензиянинг амал қилиши тўхтатилгандан сўнг, ижарага олинган каналлар лицензиянинг амал қилишини тўхтатиб туриш муддатига тўсиб қўйилади, бу муддат учун “Ижарачи” томонидан тўлов амалга оширилади.

Лицензиянинг амал қилишни тугатиш, бекор қилиш ёки бекор қилишда “Ижарага берувчи” шартномани бир томонлама муддатидан олдин, лицензия бекор қилинган бекор қилинган кундан бошлаб бекор қилишга ҳақли.

**2.6 Фавқулодда вазиятларда давлат манфаатларини ва мамлакат хавфсизлигини таъминлаш мақсадида “Ижарага берувчи” ижарага олинган каналларни фавқулодда вазиятларда ишлаш тартиби тўғрисидаги амалдаги қоидаларга мувофиқ фойдаланиш ҳуқуқига эга.**

Фавқулодда вазиятларда, давлат бошқаруви органларининг вазифаларини таъминлаш мақсадида “Ижарага берувчи” Ўзбекистон Республикаси Ахборот технологиялари ва коммуникацияларини ривожлантириш вазирлиги билан келишилган ҳолда алоқа каналларини тўхтатиб туриш, блокировка қилиш ёки тугатиш ҳуқуқига эга, бу ҳақида “Ижарачи”га 3 (уч) кун олдин огоҳлантирилади.



### 3. ХИЗМАТНИНГ ҲИСОБ-КИТОБ ШАРТИ ВА ТАРТИБЛАРИ

3.1 Каналнинг йиллик ижара ҳақи суткалик (соатлик) тўлов ҳисобидан қуйида кўрсатилган нархномалар бўйича аниқланади:

- “Айрим телекоммуникация хизматлари тарифларининг чекланган даражалари” АК “Ўзбектелеком” томонидан тасдиқланган 125-1/2-сонли нархнома;
- “Ўзбектелеком” АК томонидан шартнома асосида (эркин) белгиланадиган телекоммуникация хизматлари учун тарифлар” 125-1/7-сон нархнома.

Ижарачининг буюртмасига биноан каналларда ҳар хил манипуляциялар (инсталляциялар) ўтказиш учун тўлов тасдиқланган тарифга асосан амалга оширилиши лозим.

3.2 Ижара ҳақи ҳисобланганда ойни тақвим 28, 29, 30, 31 кунлар сони, ҳамда дам олиш, байрам кунлари ва канални реал ишлаш вақти ҳисобга олинади.

3.3 “Ижарага олинган каналлар”нинг йиллик ижара ҳақи миқдори ушбу шартноманинг ажралмас қисми бўлган иловага мувофиқ амалдаги тарифлар бўйича ҳисоб-китоблар билан белгиланади.

3.4 “Ижарага берувчи” ва “Ижарачи” ҳар ойда канални ишлатилган вақт ҳисобини олиб борадилар. Канални ўтган ойда умумий ишламаган вақти “Ижарачи”нинг алоқа боғламалари ва ЎзРАТваКРВ нинг алоқа корхоналари ўртасида ўзаро келишилади. Икки томонлама тасдиқланган алоқа каналлини тўхтаб қолган вақти ҳисоб варақаси ҳисобот ойининг 7 санасигача ҳисоб-китоб қилиш учун “Ижарага берувчи”га юборилади.

3.5 Шартнома тузишда “Ижарачи” томонидан ойлик хизмат ҳақининг 15% миқдорида олдиндан тўловни амалга оширади.

3.6 “Ижарага берувчи” ҳар ҳисобот ойининг охириги санаси билан “Ижарачи”га ҳисобот ойи учун алоқа канал ижараси бўйича ҳисобварақ-фактурани ва кейинги ой учун 15% миқдорида олдиндан тўлов ҳисобини электрон шаклда йўллайди. “Ижарачи” ҳисобварақ-фактурани ва кейинги ой учун 15% миқдорида олдиндан тўлов ҳисобини электрон шаклда қабул қилиб ва кейинги ҳисобот ойининг 15 санасигача ҳисобварақ – фактура, ҳамда олдиндан тўлов ҳисобига асосан тўловни амалга оширади.

3.7 “Ижарага олинган каналлар”нинг сони ёки кўрсатилган алоқа хизматлари учун тарифлар ўзгарган тақдирда, “Ижарага берувчи” бу ҳақда “Ижарачи”ни хабардор қилади ва мазкур шартноманинг ажралмас қисми ҳисобланган Иловага янги тарифлар бўйича қолган йиллик даврга мазкур шартномага янги Илова қайта ҳисоб-китоб қилади ва расмийлаштиради.

### 4. ШАРТНОМА МАЖБУРИЯТЛАРИНИ БУЗИЛИШИГА ЖАВОБГАРЛИК

4.1 Ҳисобварақ-фактурага асосан тўловлар ўз вақтида тўланмаса (3.6.банд), “Ижарачи” ҳар бир муддати ўтган кун учун ҳисобварақ-фактурада кўрсатилган миқдордан 0,4% ҳажмда жарима (пеня) тўлайди, лекин муддати ўтган тўлов миқдоридан 50%дан-ошмаган ҳолда.

4.2 Ижара тўловини амалга ошириш бўйича шартларни (3.6 банд) ҳамда 2.5 бандида бажармаслик каналларни ўчириб қўйишга олиб келади, тўхтатилган вақт “Ижарачи” айби бўйича ҳисобланади ва ҳисоб-китоблар тақвим кунларга асосан амалга оширилади. Канал ўчирилгандан сўнгра бир ойлик муддат мобайнида тўлов амалга оширилмаса, “Ижарага берувчи” канални ўчириш (расформировать) ҳуқуқига эга.

4.3 “Ижарага берувчи” шартнома шартлари бузилишига сабаб бўлувчи қуйидаги ҳолатлар содир бўлганда жавоб бермайди: табиий офат, фавкулотда вазиятда ёки алоҳида рўй берганида, “Ижарачи”га тегишли охириловчи усқуналари ёки боғловчи линияларининг бузилишида ҳамда “Ижарага олинган канал”нинг ишлаш режими “Ижарачи” томонидан ўзгартирилганда.

4.4 Алоқа узатиш тизимлари, трактлари ва алоқа каналларида режали ва режадан ташқари тезкор-созлаш ишларини ўтказишда, “Ижарага берувчи” соҳадаги меъёрий ҳужжатларда белгиланган муҳлатда “Ижарачи”ни олдиндан огоҳлантиради ва шу муддат ичида “Ижарага олинган канал” ишлашини бузилишига жавоб бермайди.

4.5 “Ижарага берувчи” “Ижарачи” буюртмасида белгиланган “Ижарага олинган канал”ни топшириш муддатини кечиктирган бўлса, “Ижарага берувчи” “Ижарачи”га ҳар бир йўқотилган сутка учун “Ижарага олинган канал”нинг бир суткалик нархини 0,4 % ни, бироқ “Ижарага олинган канал” учун муддатида бажарилмаган хизмат баҳосидан 50% дан ошиб кетмаган миқдоридаги тўловни амалга оширади.



## 5. НИЗОЛАРНИ ҲАЛ ЭТИШ ТАРТИБИ

5.1 Шартномаларни бажаришда пайдо бўладиган низоларни томонлар музокаралар жараёнида ёки талабнома тақдим қилиш тартибига мувофиқ ҳал этилади.

5.2 Талабномани кўриб чиқиш тартиби Ўзбекистон Республикаси қонунчилиги билан тартибга солинади. Талабнома олинган кундан 30 (ўттиз) кун ичида кўриб чиқилиши лозим.

5.3 Томонлар бир битимга келишмаганда низолар Ўзбекистон Республикасининг амалдаги қонунлари асосида Тошкент туманлараро иқтисодий судида кўриб чиқалади.

## 6. ШАРТНОМАНИНГ АМАЛ ҚИЛИШ МУДДАТИ

6.1 Ушбу шартнома 2022 йил 1 январдан бошлаб кучга киради ва 2022 йил 31 декабргача амал қилади.

6.2 “Ижарага олинган каналлар”нинг сони ўзгарса, шартнома томонларнинг ўзаро келишуви бўйича шартнома қўшимча келишув шакида тузиладиган ўзгартириш ёки тўлдириш мумкин.

6.3 Шартнома мажбуриятлари доимий равишда бузилса, манфаати бузилган томон шартномани бекор қилиш тўғрисида 30 (ўттиз) кун олдин қарши томонни огоҳлантириш хати билан, шартномани бекор қилиши мумкин.

6.4 Томонлар ҳар бири шартномани бекор қилинишидан камида 30 (ўттиз) кун олдин бошқа томонни огоҳлантириш билан бир томонлама тартибда ушбу шартномани муддатидан олдин бекор қилишга ҳақли.

6.5 Шартноманинг бекор қилиниши томонларни шартномани бекор қилиниш даврига қадар тушган ўзаро даъволарни қондиришдан озод қилмайди.

6.6 Мазкур шартномада акс эттирилмаган масалалар, шу жумладан томонларнинг бошқа мулк жавобгарликлар ва низо масалаларини ҳал қилиш Ўзбекистон Республикасининг Фуқаролик кодекси ва “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонуни билан тартибга солинади.

## 7. КОРРУПЦИЯГА ҚАРШИ КУРАШИШ

7.1 Тарафлар, мазкур шартнома кучга кирган пайдан бошлаб, ўзлари вакиллари, ходимлари, уларнинг назорати остида ёки таъсир кўрсатадиган бошқа шахслар томонидан келажакда, ушбу шартномани тузиш ҳамда бажариш билан боғлиқ ҳар қандай турдаги ноқонуний пул ва бошқа имтиёзларни таклиф, талаб қилмасликларини, (шунингдек, қабул қилмасликларини) кафолатлайдилар.

7.2 Тарафлар ушбу шартноманинг амал қилиш муддати давомида қуйида келтирилган қоидаларга риоя қилишлари ва ўз вакиллари, ходимлари ва уларнинг назорати остидаги ёки таъсир кўрсатадиган бошқа учинчи шахслар томонидан мазкур қоидаларга амал қилиниши борасида оқилона чоралар кўриш мажбуриятини оладилар.

7.3 Тарафлар шартноманинг амал қилиш муддати давомида қуйидаги ҳаракатларни ўзлари, шу жумладан учинчи шахслар орқали ҳеч қандай шаклда амалга оширмасликни ўз зиммаларига оладилар.

а) порахўрлик-тижорат ёки бошқа турдаги ноқонуний устунликни олиш ёки сақлаб қолиш мақсадида юқорида қайд этилган шахслар ёки бошқа шахслар томонидан қонунга хилоф равишда мулкӣ фойда олиш, бериш, ўтказиш, рухсат бериш;

б) пора талаб қилиш ёки пора беришга ундаш-рад этилган тақдирда таҳдид билан боғлиқ ва боғлиқ бўлмаган пора талаби;

в) ваколатларни суистеъмол қилиш-тижорат ёки бошқа ташкилотда бошқарув функцияларини бажарувчи шахс ўз ваколатларини ушбу ташкилотнинг қонуний манфаатларига зид равишда ўзи ёки бошқалар фойда олиши ёки зарар етказиш мақсадида ишлатиши;

г) юқорида айтиб ўтилган коррупция амалиётидан тушган даромадларни легаллаштириш, жиноий келиб чиқиши, манбаси, жойлашган жойи, тасарруф этиш усули, кўчириш ёки мулкка эгаллик қилишини яшириш агар бундай мулк жиноятлардан олинган даромад эканлиги маълум бўлса;

д) ушбу шартнома тарафлари амалдаги коррупцияга қарши қонун ҳужжатларини бузадиган бошқа ҳаракатларни содир этган тақдирда, тегишли тараф зудлик билан бошқа тарафни



Ўзбекистон Республика Коррупцияга қарши қонун ҳужжатларида белгиланган қўшимча таъқиқлар тўғрисида ёзма равишда хабардор қилиши шарт.

7.4 Коррупцияга оид ҳар бир ҳолат юзасидан тегшили тарафни зудлик билан ёзма равишда хабардор қилиши, ташкилотда ишбилармонлик этикаси қоидаларига риоя қилиш, мурасасизликни тарғиб қилиши шарт.

7.5 Тарафлар шартномани тўхтатиб туриши ёки бекор қилиши учун асос ушбу шартноманинг 5.3 бандида кўрсатилган ҳолатлар суднинг қонуний кучга кирган қарори билан тасдиқланган бўлиши шартлиги тўғрисида келишиб олдилар.

## 8. ҚЎШИМЧА ШАРТЛАР

8.1 Қўшимча алоқа каналларга эҳтиёж туғилганда “Ижарачи” “Ижарага берувчи”нинг манзилига алоқа йўналишини, ҳар икки томондаги боғловчи линияларнинг мавжудлигини, каналдан фойдаланиш турлари ва унинг ишлаш режимини кўрсатган ҳолда буюртма юборади.

8.2 “Ижарага олинган каналлар” сони ўзгарганда, ушбу Шартноманинг амал қилиш муддати учун шартномага янги Илова тузилади.

8.3 Агар тарафлар юридик ёки почта манзилига, корхона номига, банк ва бошқа реквизитларига ўзгаришлар киритса, тарафлар киритилган ўзгаришлар тўғрисида 5 (беш) кун ичида бир бирини ёзма равишда хабардор қилади.

8.4 Шартнома 2 нусхада тузилди ва тузилиш жараёнида Ўзбекистон Республикаси қонунчилиги томонидан текширилган ва шартнома томонларига 1-нусхада тақдим қилинган.

## 9. ТОМОНЛАРНИНГ ЮРИДИК МАНЗИЛЛАРИ ВА БАНК РЕКВИЗИТЛАРИ

“Ижарага берувчи”

“O'zbekiston telekommunikatsiya tarmoqlarini boshqarish respublika markazi” давлат унитар корхонаси  
 (“O'zTTBRM” ДУК)

Манзил: Тошкент шаҳри 100019  
Олмазор тумани, Себзор даҳаси, 18-А-уй  
тел: 71-240-53-52, факс: 71-240-53-49  
х/р: 20210000800155268001  
МФО: 00401  
банк: Тошкент шаҳар  
“Алоқабанк” АТ  
СТИР: 200899276  
ИФУТ: 61900  
ҚҚС тўловчисининг рўйхатдан  
ўтиши коди: 326090015932  
E-mail: tmc@rtmc.uz  
Веб сайт: www. rtmc.uz

“Ижарачи”

“RWC” МЧЖ ХК

Манзил: \_\_\_\_\_

СП ООО «Rubicon Wireless Communication»  
тел: \_\_\_\_\_ факс: \_\_\_\_\_  
х/р: \_\_\_\_\_  
МФО: \_\_\_\_\_  
банк: \_\_\_\_\_  
СТИР: \_\_\_\_\_

ИФУТ: \_\_\_\_\_

ҚҚС тўловчисининг рўйхатдан

ўтиши коди: \_\_\_\_\_



Директор в.б.

Шакиров У.А.



«ПРОЕКТ ДОКУМЕНТА НЕ ПРОТИВОРЕЧИТ  
ТРЕБОВАНИЯМ ДЕЙСТВУЮЩЕГО  
ЗАКОНОДАТЕЛЬСТВА РЕСПУБЛИКИ УЗБЕКИСТАН»